



## **XALQ DEPUTATLARI SURXONDARYO VILOYATI KENGASHINING QARORI**

Termiz shahri, At-Termiziy ko'chasi 1-uy. 190100, tel: (76) 224-12-30, (76) 224-03-94, (76) 221-74-81)

2024 - yil 14 - mart

VI-83-49-8-0-K/24

Surxondaryo viloyati hokimligi

### **Surxondaryo viloyatida ichimlik suvi va oqova suv xizmatlari narxlari (tariflari)ni belgilash to'g'risida**

O'zbekiston Respublikasining "Ichimlik suvi ta'minoti va oqova suvlarni chiqarib yuborish to'g'risida"gi qonunining 46-moddasi, O'zbekiston Respublikasi Prezidentining 2020-yil 25-sentabrdagi "Ichimlik suvi ta'minoti va oqova suv tizimini yanada takomillashtirish hamda sohadagi investitsiya loyihalari samaradorligini oshirish chora-tadbirlari to'g'risida"gi PF-6074-sonli farmoni, O'zbekiston Respublikasi Vazirlar Mahkamasining 2023-yil 15-sentabrdagi "Yoqilg'i-energetika sohasida bozor mexanizmlarini joriy etishning qo'shimcha chora-tadbirlari to'g'risida"gi 475-sonli qarori, O'zbekiston Respublikasi "Mahalliy davlat hokimiyati to'g'risida"gi qonunining 6-, 24-moddalariga asosan xalq deputatlari Surxondaryo viloyati Kengashi **qaror qiladi:**

**1.** Surxondaryo viloyati hokimligining viloyat Iqtisodiyot va moliya bosh boshqarmasi hamda Raqobatni rivojlantirish va iste'molchilar huquqlarini himoya qilish qo'mitasining viloyat hududiy boshqarmalari xulosalari asosida viloyatdagi suv ta'minoti va oqova suv xizmatlari uchun tartibga solinadigan narxlarni (tariflarni) belgilash to'g'risidagi takliflari ma'qullansin.

**2.** Surxondaryo viloyatida ichimlik suvi va oqova suv xizmatlari narxlari (tariflari) 1-ilovaga;

dizel yoqilg'i bilan transportda tashib yetkazilib beriladigan ichimlik suv narxlari (tariflari) 2-ilovaga;

siqilgan gaz bilan transportda tashib yetkazilib beriladigan ichimlik suv narxlari (tariflari) 3-ilovaga muvofiq tasdiqlansin.

**3.** Surxondaryo viloyati hokimligi (A.Amirov), "Surxondaryo suv

ta'minoti" MChJ (A.Arabov) O'zbekiston Respublikasi Prezidentining 2022-yil 2-avgustdagi "Yevropa tiklanish va taraqqiyot banki ishtirokida "Namangan viloyati Chust, Pop va Namangan tumanlari ichimlik suv ta'minotini yaxshilash hamda Chust va Mingbuloq tumanlari markazlarida oqova suv tizimlarini qurish" hamda "Oqtosh" va "Poshxurt" yer osti suv manbalaridan suv quvuri qurish yo'li bilan Surxondaryo viloyati Muzrabot tumanining suv ta'minotini yaxshilash" loyihalarini amalga oshirish chora-tadbirlari to'g'risida"gi PQ-342-sonli qarorining 8-ilovasi:

11.1-bandiga asosan har chorakda tegishliligi bo'yicha xalq deputatlari tuman va shahar Kengashlariga aholini ichimlik va oqova suv bilan ta'minlash darajasini oshirish bo'yicha amalga oshirilgan ishlar hamda kelgusidagi rejalar to'g'risida;

11.2-bandiga asosan har yarim yilda xalq deputatlari viloyat Kengashiga aholini ichimlik va oqova suv bilan ta'minlash darajasini oshirish bo'yicha amalga oshirilgan ishlar hamda kelgusidagi rejalar to'g'risida;

12.3-bandiga asosan har yili 1-iyunga qadar viloyatda ichimlik va oqova suv xizmatlari tariflarini qayta ko'rib chiqish orqali iste'molchilarga ko'rsatiladigan xizmatlar sifatini oshirish hamda korxona majburiyatlarini o'z vaqtida bajarishning moliyaviy manbalarini shakllantirish, ichimlik va oqova suv tariflarini xalq deputatlari viloyat Kengashiga tasdiqlash uchun kiritib borsin;

13.2-bandiga asosan iste'molchilar sonini va xizmat ko'rsatish hajmlarini oshirish, debitor qarzdorliklarni kamaytirish, suv yo'qotishlari hajmini qisqartirish hamda mavjud quvvatlarni modernizatsiya qilish va texnik jihozlash, shuningdek, to'lov intizomini mustahkamlash yuzasidan tuman va shaharlar kesimida tasdiqlangan chora-tadbirlar rejasi bo'yicha har chorakda tuman (shahar) hokimlari tomonidan xalq deputatlari viloyat Kengashiga hisobot berilishini ta'minlasin.

4. "Surxondaryo suv ta'minoti" mas'uliyati cheklangan jamiyati (A.Arabov) tuman (shahar)larda aniq manzilli va muddatli reja-grafik asosida 2024-yil fevral-aprel oylarida aholi o'rtasida ichimlik suvi va oqova suv xizmatlari uchun to'lovlarni onlayn amalga oshirish bo'yicha turli shakldagi targ'ibot tadbirlarini tashkil etsin va natijasi yuzasidan 2024-yil 1-mayga qadar xalq deputatlari viloyat Kengashiga yozma axborot kiritсин.

5. Viloyat hokimligi Axborot xizmati (M.Davlatov), viloyat Axborot va ommaviy kommunikatsiyalar boshqarmasi (Z.To'rayev), "Surxondaryo" viloyat

teleradiokompaniyasi (B.Mingboyev), “Surxon tongi” va “Заря Сурхана” gazetalari birlashgan tahririyati (S.Norqobilov)ga sohada amalga oshirilayotgan ishlarni ommaviy axborot vositalarida va internet tarmoqlarida keng yoritib borish tavsiya etilsin.

**6.** Mazkur qarorning ijrosini nazorat qilish xalq deputatlari viloyat Kengashining Sanoat, transport, qurilish, kommunal soha va aholiga xizmat ko‘rsatish masalalari bo‘yicha doimiy komissiyasi (D.Djurayeva) zimmasiga yuklansin.

**7.** Xalq deputatlari Surxondaryo viloyati kengashining 2023-yil 13-iyul kunidagi “Surxondaryo viloyatida ichimlik suvi va oqova suv xizmatlari narxlari (tariflari)ni tasdiqlash to‘g‘risida”gi VI-73-127-8-0-K/23-sonli qarori o‘z kuchini yo‘qotgan deb hisoblansin.

**8.** Mazkur qaror ommaviy axborot vositalarida e‘lon qilingandan keyin o‘n besh kun o‘tgach kuchga kiradi.

Sessiya raisi



A.R.Choriyev

Xalq deputatlari Surxondaryo viloyat  
Kengashining  
2024-yil 14-martdagi  
VI-83-49-8-0-K/24-son qaroriga  
1-ilova

**Surxondaryo viloyatida belgilangan ichimlik suvi  
ta’minoti va oqova suv xizmatlari uchun  
TARIFLAR (NARXLAR)**

T/r	Xizmat turi	Iste’molchilar	O’lchov birligi	Narxi (qo’shimcha qiymat solig’isiz )
1	Ichimlik suvi	Aholi uchun	1 m3	3100
		Budjet tashkilotlari uchun	1 m3	7000
		Ulgurji iste’molchilar uchun	1 m3	7000
2	Oqova suv	Aholi uchun	1 m3	1750
		Budjet tashkilotlari uchun	1 m3	3250
		Ulgurji iste’molchilar uchun	1 m3	3250

Xalq deputatlari Surxondaryo viloyat  
Kengashining  
2024-yil 14-martdagi  
VI-83-49-8-0-K/24-son qaroriga  
2-ilova

**Dizel yoqilg‘i bilan transportda tashib yetkazilib beriladigan ichimlik suv  
narxlari (tariflari)**

<b>Xizmat turi</b>	<b>Iste’molchilar</b>	<b>O‘lchov birligi</b>	<b>Narxi</b> (qo‘shimcha qiymat solig‘isiz)
<b>Ichimlik suvi</b>	Aholi uchun	1 m3	44000
	Budjet tashkilotlari uchun	1 m3	49300
	Ulgurji iste’molchilar uchun	1 m3	49300

Xalq deputatlari Surxondaryo viloyat  
Kengashining  
2024-yil 14-martdagi  
VI-83-49-8-0-K/24-son qaroriga  
3-ilova

**Siqilgan gaz bilan transportda tashib yetkazilib beriladigan ichimlik suv  
narxlari**

<b>Xizmat turi</b>	<b>Iste'molchilar</b>	<b>O'lchov birligi</b>	<b>Narxi (qo'shimcha qiymat solig'isiz)</b>
Ichimlik suvi	Aholi uchun	1 m3	36800
	Budjet tashkilotlari uchun	1 m3	41200
	Ulgurji iste'molchilar uchun	1 m3	41200